

**FRAMKVÆMDARÁKVÖRÐUN FRAMKVÆMDASTJÓRNARINNAR
(ESB) 2015/278**

2015/EES/63/14

frá 18. febrúar 2015

um breytingu á ákvörðun 2010/221/ESB að því er varðar landsráðstafanir til að koma í veg fyrir að tilteknir lagardýrasjúkdómar berist til hluta Írlands, Finnlands og Bretlands*(tilkynnt með númeri C(2015) 791) (*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2006/88/EB frá 24. október 2006 um heilbrigðiskröfur að því er varðar lagareldisdýr og afurðir þeirra og um forvarnir og varnir gegn tilteknum sjúkdómum í lagardýrum ⁽¹⁾, einkum 2. mgr. 43. gr.,*og að teknu tilliti til eftirfarandi:*

- 1) Með ákvörðun framkvæmdastjórnarinnar 2010/221/ESB frá 15. apríl 2010 um samþykki á landsráðstöfunum til að takmarka áhrif tiltekinna sjúkdóma í lagareldisdýrum og villtum lagardýrum í samræmi við 43. gr. tilskipunar ráðsins 2006/88/EB ⁽²⁾ er tilteknum aðildarríkjum heimilað að beita takmörkunum varðandi setningu á markað og innflutningstakmörkunum á sendingar af lagardýrum til að koma í veg fyrir að tilteknir sjúkdómar berist til yfirráðasvæðis þeirra, að því tilskildu að þau hafi annaðhvort sýnt fram á að yfirráðasvæði þeirra, eða tiltekin afmörkuð svæði á yfirráðasvæði þeirra, séu laus við slíka sjúkdóma, eða komið á útrýmingar- eða eftirlitsáætlun til að verða laus við slíka sjúkdóma.
- 2) Í ákvörðun 2010/221/ESB er kveðið á um að aðildarríki og hlutar þeirra, sem eru skráð í I. viðauka við ákvörðunina, eigi að teljast laus við sjúkdómama sem eru skráðir í þann viðauka. Með þeirri ákvörðun eru að auki samþykktar útrýmingaráætlanir sem tiltekin aðildarríki hafa samþykkt að því er varðar svæðin og sjúkdómama sem eru skráð í II. viðauka við ákvörðunina. Með ákvörðuninni voru einnig samþykktar eftirlitsáætlanir í tengslum við ostruherpesveiru 1 μvar (OsHV-1 μVar) sem tiltekin aðildarríki hafa samþykkt að því er varðar svæðin sem eru skráð í III. viðauka við ákvörðunina.
- 3) Í I. viðauka við ákvörðun 2010/211/ESB eru sem stendur eftirfarandi hlutar Bretlands skráðir sem lausir við ostruherpesveiru 1μvar (OsHv-1μVar: yfirráðasvæði Bretlands, að undanskildu Whitstable Bay í Kent, Blackwater Estuary í Essex og Poole Harbour í Dorset, svæði Larne Lough á yfirráðasvæði Norður-Írlands og yfirráðasvæði Guernsey.
- 4) Bretland tilkynnti framkvæmdastjórninni um að OsHV-1 μVar hafi einnig greinst í *Crassostrea gigas* úr ánni Crouch í Essex. Þetta atvik er ný uppkoma OsHV-1μVar á svæði sem fellur undir yfirráðasvæði Bretlands, sem er sem stendur lýst laust við sjúkdóminn. Því ætti að breyta landfræðilegri afmörkun þeirra svæða Bretlands sem falla undir samþykktar landsráðstafanir, sem eru skráðar í I. viðauka við ákvörðun 2010/221/ESB.
- 5) Bretland upplýsti framkvæmdastjórnina einnig um að færslan sem varðar landfræðilega afmörkun þeirra hluta Norður-Írlands sem eru lýstir lausir við OsHV-1μVar í I. viðauka við ákvörðun 2010/221/ESB sé ekki í samræmi við þá yfirlýsingu. Rétt afmörkun ætti að vera: „yfirráðasvæði Norður-Írlands, að undanskildum Dundrum Bay, Killough Bay, Lough Foyle, Carlingford Lough og Strangford Lough.“ Því ætti að breyta I. viðauka til samræmis við það.
- 6) Svæði inn til landsins á yfirráðasvæði Finnlands eru skráð í II. viðauka við ákvörðun 2010/221/ESB sem yfirráðasvæði sem hafa innleitt samþykka útrýmingaráætlun að því er varðar nýrnaveiki.
- 7) Í samræmi við það eru með ákvörðun 2010/221/ESB samþykktar tilteknar landsráðstafanir sem Finnland hefur gripið til varðandi tilflutning á sendingum af lagareldisdýrum af smitnæmum tegundum til þessara svæða. Í samræmi við 2. mgr. 3. gr. þeirrar ákvörðunar gildir heimildin til að beita þessum ráðstöfunum þó einungis til 31. desember 2015 til að unnt sé að endurmeta hvort þessar landsráðstafanir séu viðeigandi.

(*) Þessi ESB-gerð birtist í Stjtið. ESB L 47, 20.2.2015, bls. 22. Hennar var getið í ákvörðun sameiginlegu EES-nefndarinnar nr. 76/2015 frá 30. apríl 2015 um breytingu á I. viðauka (Heilbrigði dýra og plantna) við EES-samninginn, biður birtingar.

(¹) Stjtið. ESB L 328, 24.11.2006, bls. 14.

(²) Stjtið. ESB L 98, 20.4.2010, bls. 7.

- 8) Finnland upplýsti framkvæmdastjórnina um þá ákvörðun sína að taka nýrnaveiki af skrá yfir sjúkdóma í lagardýrum sem skyldubundið er að hafa eftirlit með og útrýma í Finnlandi. Sú ákvörðun öðlaðist gildi 1. desember 2014. Þar af leiðir að frá þeim degi er Finnland ekki með útrýmingaráætlun fyrir nýrnaveiki, sem er samþykkt í samræmi við 43. gr. tilskipunar 2006/88/EB, sem gildir fyrir allt yfirráðasvæðið eða hluta þess. Af þessum sökum ætti að fella brott færsluna fyrir Finnland í II. viðauka við ákvörðun 2010/221/ESB og sú breyting ætti að gilda frá 1. desember 2014.
- 9) Í III. viðauka við ákvörðun 2010/221/ESB eru sem stendur skráð sjö hólf innan yfirráðasvæðis Írlands, sem hafa innleitt samþykka eftirlitsáætlun að því er varðar ostruherpesveiru 1 μvar (OsHV-1 μVar).
- 10) Írland hefur tilkynnt framkvæmdastjórninni um að OsHV-1 μVar hafi greinst í einu þessarar hólf, nánar tiltekið í Askeaton Bay í hólf 6. Af þessum sökum ætti að breyta landfræðilegri afmörkun hólf 6 í færslunni fyrir Írland í III. viðauka við ákvörðun 2010/221/ESB.
- 11) Því ætti að breyta ákvörðun 2010/221/ESB til samræmis við það.
- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um plöntur, dýr, matvæli og fôður.

SAMÞYKKT ÁKVÖRÐUN ÞESSA:

1. gr.

Í stað I., II. og III. viðauka við ákvörðun 2010/221/ESB komi viðaukinn við þessa ákvörðun.

2. gr.

Ákvörðun þessi gildir frá 1. desember 2014.

3. gr.

Ákvörðun þessari er beint til aðildarríkjanna.

Gjört í Brussel 18. febrúar 2015.

Fyrir hönd framkvæmdastjórnarinnar,

Vytenis ANDRIUKAITIS

framkvæmdastjóri.

VIÐAUKI

„I. VIÐAUKI

Aðildarríki og svæði sem teljast laus við sjúkdómana sem eru skráðir í töflunni og þar sem landsráðstafanir til að koma í veg fyrir að þessir sjúkdómar berist þangað hafa verið samþykktar í samræmi við 2. mgr. 43. gr. tilskipunar 2006/88/EB

Sjúkdómur	Aðildarríki	Kóði	Landfræðileg afmörkun svæðisins sem fellur undir samþykktar landsráðstafanir
Vorveira í vatnakarpa (SVC)	Danmörk	DK	Allt yfirráðasvæðið
	Írland	IE	Allt yfirráðasvæðið
	Ungverjaland	HU	Allt yfirráðasvæðið
	Finnland	FI	Allt yfirráðasvæðið
	Svíþjóð	SE	Allt yfirráðasvæðið
	Bretland	UK	Allt yfirráðasvæði Bretlands Yfirráðasvæði Guernsey, Jersey og Manar
Nýrnaveiki (BKD)	Írland	IE	Allt yfirráðasvæðið
	Bretland	UK	Yfirráðasvæði Norður-Írlands Yfirráðasvæði Guernsey, Jersey og Manar
Brisdrep (IPN)	Finnland	FI	Svæði inn til landsins á yfirráðasvæði þess
	Svíþjóð	SE	Svæði inn til landsins á yfirráðasvæði hennar
	Bretland	UK	Yfirráðasvæði Manar
Sýkingar af völdum roðflyðrusníkils (<i>Gyrodactylus salaris</i>)	Írland	IE	Allt yfirráðasvæðið
	Finnland	FI	Vatnasvið Tenojoki og Näätamönjoki en vatnasvið Paatsjoki, Tuulomajoki og Uutuanjoki teljast sóttvarnabelti
	Bretland	UK	Allt yfirráðasvæði Bretlands Yfirráðasvæði Guernsey, Jersey og Manar
Ostruherpesveira 1 μVar (OshV-1 μVar)	Bretland	UK	Yfirráðasvæði Stóra-Bretlands, að undanskildum Whitstable Bay í Kent, Blackwater Estuary og ánni Crouch í Essex og Poole Harbour í Dorset Yfirráðasvæði Norður-Írlands, að undanskildum Dundrum Bay, Killough Bay, Lough Foyle, Carlingford Lough og Strangford Lough Yfirráðasvæði Guernsey

II. VIÐAUKI

Aðildarríki og hlutar þeirra sem hafa innleitt útrýmingaráætlanir að því er varðar tiltekna sjúkdóma í lagareldisdýrum og þar sem landsráðstafanir til að verjast þessum sjúkdómum hafa verið samþykktar í samræmi við 2. mgr. 43. gr. tilskipunar 2006/88/EB

Sjúkdómur	Aðildarríki	Kóði	Landfræðileg afmörkun svæðisins sem fellur undir samþykktar landsráðstafanir
Nýrnaveiki (BKD)	Svíþjóð	SE	Svæði inn til landsins á yfirráðasvæði hennar
Brisdrepsveira (IPN)	Svíþjóð	SE	Strandsvæði á yfirráðasvæði hennar

III. VIÐAUKI

Aðildarríki og svæði sem hafa innleitt eftirlitsáætlanir að því er varðar ostruherpesveiru 1 μvar (OsHV-1 μVar) og þar sem landsráðstafanir til að verjast þessum sjúkdómi hafa verið samþykktar í samræmi við 2. mgr. 43. gr. tilskipunar 2006/88/EB

Sjúkdómur	Aðildarríki	Kóði	Landfræðileg afmörkun svæðisins sem hefur innleitt samþykktar landsráðstafanir (aðildarríki, svæði og hólfi)
Ostruherpesveira 1 μvar (OsHV-1 μVar)	Írland	IE	Hólf 1: Sheephaven Bay Hólf 2: Gweebara Bay Hólf 3: Killala Bay, Broadhaven Bay og Blacksod Bay Hólf 4: Streamstown Bay Hólf 5: Bertraghboy Bay og Galway Bay Hólf 6: Poulnisharry Bay Hólf 7: Kenmare Bay“